



22 July 2025

Ikon Negara Dato' Azizulhasni Awang Dilantik Sebagai Duta Jenama Volkswagen Malaysia yang Pertama

- Kerjasama bersejarah yang meraikan aspek prestasi, ketepatan dan Kuasa Kemungkinan
- Duta jenama berjiwa Malaysia, dipacu oleh matlamat yang jelas

KUALA LUMPUR – Volkswagen Passenger Cars Malaysia (VPCM) dengan bangganya mengumumkan kerjasama dengan jaguh berbasikal negara, **Dato' Azizulhasni Awang** yang dilantik sebagai **duta jenama pertama** untuk Volkswagen di Malaysia.



Kerjasama ini menyatukan nilai-nilai bersama – prestasi berani, semangat juang yang tidak pernah luntur dan reka bentuk tidak ditelan zaman – semuanya digabungkan dalam semangat untuk terus bergerak ke hadapan.

Dikenali di peringkat global sebagai *The Pocket Rocketman*, Dato' Azizulhasni bukan sahaja pelumba basikal pertama Malaysia yang meraih pingat Olimpik, malah menjadi simbol kepada apa yang mampu dicapai oleh rakyat Malaysia menerusi semangat, ketekunan dan ketepatan – nilai yang menjadi teras jenama Volkswagen.

Press contact

Yani Fadzil
Tel: 012 – 212 8977
E: yani.fadzil@vw.com.my



More information at:
Volkswagen Malaysia [website](#)
Volkswagen [newsroom](#)



Perjalanan karier daripada permulaan yang sederhana di Terengganu hingga mampu berdiri megah di atas podium di Tokyo, Melbourne dan pentas dunia lain nyata mencerminkan falsafah Volkswagen: merealisasikan impian menerusi inovasi, ketabahan dan kecemerlangan yang berpaksikan kepada manusia.

"Cerita Dato' Azizulhasni adalah kisah tentang cita-cita, ketabahan dan semangat yang luar biasa. Sama seperti kereta-kereta kami, beliau melambangkan prestasi yang penuh matlamat dan berkekalan," kata Pengarah Urusan Volkswagen Passenger Cars Malaysia, Renate Noessler. "Beliau bukan sekadar juara di litar perlumbaan, malah menjadi model ikutan di luar gelanggang. Kami cukup berbesar hati untuk menerima beliau sebagai sebahagian daripada keluarga Volkswagen."

Gabungan yang meraikan prestasi, ketepatan dan Kesungguhan

Keperibadian Dato' Azizulhasni yang berdisiplin tetapi mudah didekati, merendah diri dan diraikan di pentas dunia mencerminkan daya tarikan yang sama seperti kenderaan Volkswagen. Daripada Golf GTI yang ikonik hinggalah Tiguan Allspace yang versatil, Arteon yang elegan dan Touareg yang lasak, kereta Volkswagen sememangnya dibina untuk mereka yang menjalani kehidupan dengan tujuan, gaya dan kesungguhan.

"Kerjasama ini bukan hanya lantikan duta biasa. Tetapi ia mencerminkan hubungan mendalam dengan rakyat Malaysia yang menghargai aspek prestasi, integriti dan keyakinan jangka masa panjang terhadap kenderaan yang mereka pandu," kata Renate.

"Saya sentiasa percaya bahawa kejayaan dibina oleh konsistensi, ketelitian dan semangat untuk menyahut cabaran – nilai-nilai yang sememangnya selari dengan Volkswagen," kata Dato' Azizulhasni.

"Dipilih sebagai duta pertama mereka memang satu penghormatan yang sangat besar. Kerjasama ini bukan sekadar kereta atau sukan berbasikal, tetapi ia tentang memberi inspirasi kepada rakyat Malaysia supaya pergi lebih jauh, lebih pantas dan tidak berpuas hati dengan pencapaian sedia ada," tambahnya.

Bukan sekadar kereta, ia adalah keyakinan terhadap perjalanan.

Dengan Dato' Azizulhasni berada di hadapan, Volkswagen Malaysia berhasrat untuk mengukuhkan hubungannya dengan komuniti, terutama generasi baru yang meraikan warisan seperti mana mereka meraikan cita-cita.

Media Information



Kerjasama ini bakal menyaksikan Dato' Azizulhasni tampil dalam kempen-kempen digital, acara dan kandungan digital pada masa akan datang yang mengajak rakyat Malaysia untuk meneroka keunikan Volkswagen. Ia juga berperanan sebagai lambing penyatuan untuk para pemilik kenderaan Volkswagen yang bangga menjadi sebahagian daripada jenama yang mengutamakan kualiti, individualiti dan hubungan sesama manusia.

Untuk maklumat lanjut mengenai kerjasama, kempen dan model-model terkini Volkswagen, sila layari <https://www.volkswagen.com.my/>

####

SEO/Metatags Keywords

VPCM, Volkswagen, Volkswagen Malaysia, #AzizulxVolkswagen
#DriveForward #PocketRocketVW

Volkswagen Passenger Cars Malaysia (VPCM) is the official distributor of Volkswagen cars in Malaysia. The Company has long-term aspirations in the country and focuses on growing the business sustainably by maintaining a strategic product portfolio, strengthening dealer network, and enhancing service and parts availability. VPCM is managed by Porsche Holding Salzburg, one of the largest and most successful automotive distributors in Europe. The Salzburg-based company was founded in 1947 and operates today in 29 countries throughout Europe, as well as in Colombia, Chile, China, Malaysia, Singapore, Brunei and Japan.
